

愛日精廬藏書志

愛日精廬藏書志卷十四

史部

載記類

吳越春秋十卷 影自宋刊本

後漢趙睦撰

右吳越春秋十卷後漢趙睦所著于既刻越絕書遂併刻之蓋二書實相表裏而睦又爲郡人其書固宜廣第訛舛特甚惜無從可以正云嘉定甲申八月望日新安汪綱書

吳越春秋十卷 明初月本

後漢趙睦撰 徐天祐音注 前有天祐序題舊序蓋明

初重刊本也

吳越古稱東南僻遠之邦然當其盛彊往往抗衡上國黃
池之會夫差欲尊天子自去其僭號稱子以告令諸侯及
越既有吳句踐大盟四國以共輔王室要其志皆歸於尊
周其知所天矣孔子作春秋雖小國猶錄而書之而況以
世言則禹稷之裔以地言則會稽具區其川其浸則職方
氏列爲九州之首皆足以望天下故記可闕而不傳乎吳
越春秋趙睦所著隋唐經籍志皆云十二卷今存者十卷
殆非全書二志又云楊方撰吳越春秋削繁五卷皇甫道
撰吳越春秋傳十卷此二書今人罕見獨睦書行於世睦
傳在儒林中觀其所作乃不類漢文按邯鄲李氏圖書十

志目亦謂楊方嘗刊削睦所爲書至皇甫遵遂合二家考
正爲之傳注又按史記註有徐廣所引吳越春秋語而索
隱以爲今無此語者他如文選註引季子見道金事吳地
記載閭廬時夷亭事及水經註著載越事數條類皆援據
吳越春秋今睦本咸無其文亦無所謂傳註豈楊方所已
刊削而皇甫所未考正者耶睦書最先出東都時去古未
甚遠睦又山陰人故綜述視他書所紀二國事爲詳取節
焉可也其言上稽天時下測物變明微推遠僚若蒼蔡至
於盛衰成敗之迹則彼已君臣反覆上下其論議種蠡諸
大夫之謀迭用則霸子胥之諫一不聽則亡皆鑿鑿然可
以勸戒萬世豈獨爲是邦二千年故實哉睦書越舊嘗錄

梓歲久不復存汴梁劉侯來治越獎厲學校蒐遺文修墜
典乃較義白廩美財重刻於學不鄙諛聞牆以考訂且命
序其左端夫越人宜知越之故則是舉也於所闕不爲無
補遂不得辭厥既刊正疑訛過不自量復爲之音註併考
其與傳記同異者附見於下而互存之惜其間文義猶有
滯礙不可訓知不敢盡用臆見更定又無皇甫本可證姑
從其舊以俟後之君子考焉侯名克昌世大其字云郡人
前進士徐天祐受之序

大德十年歲在丙午三月首注越六月書成刊板十二月
畢工

前文林郎國子監書庫官徐天祐音註

越絕書十五卷

明刊本

漢袁康撰 無名氏跋尾鈴虞山印記或牧翁故物歟

無名氏跋曰越絕復仇之書也子胥夫差以父之仇句踐
以身之仇而皆非其道焉夫君天也君有臣而君殺之尙
可仇乎故子胥鞭平王之墓爲不義閻廬之死夫差使人
謂己曰而忘越王之殺而父乎則對曰不敢忘三年乃報
越故夫椒之敗釋越而不讎爲不孝會稽之棲苦身焦思
嘗膽而食卒以滅吳不知滅實得罪於吳而吳之赦己也
故其郤公孫雄之請爲不仁春秋書子胥之事曰吳入郢
狄吳而諱楚也於夫椒之戰則不書蓋不足乎書也於黃
池之會書於越入吳狄越而咎吳也春秋之末復仇之事

莫大於斯三者越絕實備之有國有家者可以鑒觀焉

華陽國志十二卷 舊抄本 錢畧室藏書

常璩撰 明何鏜吳琯本俱闕卷十上中兩卷此則足

本也卷末有叔寶中吳錢氏所藏印兩印

李暨叔重刊序 嘉泰甲子

何氏手跋曰華陽國志十二卷初閱見其訛謬甚多疑非善本及以新刻對校乃知後來妄加竄定有使人笑來者此本尙存舊刻之真而出於錢叔寶家亦可信也康熙己丑焯記

黃氏手跋曰此書無宋刻則舊抄貴兼有郡先輩錢畧室圖記何義門跋并硃筆評閱語古色斑爛令人可愛紙本

莓爛破損係義門返吳時覆舟黃流所厄恐不耐展讀命
工重加裱托改裝倒摺向外庶免敝渝之患予友顧澗菴
藏空居閣抄本與此同出一源然楮墨之間古意稍遜當
護此本爲甲本因古書難得并著之以見罄室而外空居
亦足競爽也黃丕烈

江南野史十卷

文淵閣傳抄本

龍衮撰

原二十卷今闕十卷

錦里耆舊傳四卷

舊抄本

前

榮州應靈縣令句廷慶纂

原八卷今存五至八四

卷

南唐書二十卷

元刊本

馬令撰 序目卷一缺抄補

傳曰太熙之後述史者幾乎罵矣唐季五代大盜割據各
亦有史而太熙之風往往有之南唐寢滅史官高遠慮貽
後悔悉取史草焚之而死徐鉉湯悅奉太宗皇帝勅追錄
所聞而忘遠取近率皆疎略先祖太傅康元世家金陵多知
南唐故事旁搜舊史遺所并集諸朝野之能道其事者未
及撰次遠捐館舍今輒不自料纂先志而成之列爲三十
卷雖有愧於筆削而誅亂尊王亦庶幾焉崇甯乙酉春正
月陽羨馬令

嗚呼五代之亂符璽竊於大盜中國變於夷狄先王之禮
樂制度掃地盡矣李氏初據江淮建唐廟以隆親與夫祖

契丹而絕其父者孰睦始郊祀於圓丘與夫尙野祭而焚
紙繒者孰重五代之君若彼南唐之制若此則正統疑於
不存而僭竊疑於無罪也予作此書尊天子於中原而僭
僞之事則不爲南唐諱者豈無意哉蓋尊天子所以一天
下之統書其僭所以著李氏之罪其統旣一其罪旣著則
竊土賊民者無遁刑於天下後世矣昔孔子作春秋非徒
載其陳言也竊取其義以爲人道之大法而已予之所論
有合於此者弗可不察也王通之作元經第以進退南北
而亂其正統輒自比於孔子曰春秋元經於王道是輕重
之權衡且孔子所書彼善於此則有之而正統常在於周
通之所書者宋魏之間其統未嘗一也使後世擾擾而不

知其正者必自通始嗚呼法春秋而不知春秋之法者豈特王通乎

南唐書三十卷 茶夢主人手抄本

因馬令撰 板心有茶夢齋鈔四字

目序 見上

姚氏手跋曰正德辛巳予聞江陰葉潛夫云靖江朱生藏有宋刻馬令南唐書許借未往迄二十餘年予恒往來於懷竟無所遇客歲館於官保秦公偶得書者持元刻陸游南唐書來售殘編斷簡漫不可讀姑手錄之以備一家言今年春得主洛川張君家塾暇日乃出馬令南唐書觀之云是從先公官閩時所錄予曰此予二十年前求之未獲

者也遂抱疾錄一過藏諸篋笥庶爲陸游合璧若評陽異
同具馬端臨經籍考茲故畧云嘉靖辛丑夏四月晦日勾
吳茶夢道人姚咨跋

安南志畧二十卷

文淵閣傳抄本

黎崱撰

高麗史一百三十九卷

抄本

朝鮮正憲大夫工曹判書集賢殿大提學知經筵春秋
館事兼成均大司成臣鄭麟趾等奉教修 前有景泰二

年進書受景泰二年朝鮮恭順王

名

珙之元年也凡世家四

十六卷志三十九卷表二卷傳五十卷目錄二卷合一百
三十九卷高麗王氏自梁武帝貞明四年代高氏有其國

建元天授稱後高麗傳三十二主歷年四百七十五爲其
臣李成桂所篡國亡此書紀王氏一朝之事治亂興廢制
度文物粲然可考亦可云高麗之良史矣 四庫全書存
目有高麗史二卷蓋偶存之殘帙此則足本也

鄭志趾進高麗史箋

景泰二年

愛日精廬藏書志卷十五

史部

地理類

三翻黃圖六卷

明刊本

臨毛氏斧季校

黃圖六卷

金吾

受業師黃琴六先生臨毛氏斧季

校宋本卷二建章官條構字注御名蓋據南宋高宗時刊本也

序

黃琴六先生手跋曰此本據長洲千里顧君校本傳錄顧君又從吾邑毛斧季校宋本錄出者也首尾通爲一卷與隋志合元本有鈎乙行款係每半葉十行行每二十字至

藏書志卷十五

二十二三字不等惜其中有缺而未鈎幾處顧云無從全識其面目今亦不復備錄又中有宋本謬誤顯然者稍去之其兩通及存疑可備參攷者並著於篇云道光初元拙居士廷鑑校訖識

三輔黃圖六卷 先君子手抄本

歷代宮殿名一

卷 抄本 從陳君子準藏舊本本傳錄

翰林學士承旨太中大夫守工部尚書知制誥上柱國臣李斯等奉聖旨纂首周秦漢魏次西晉後魏周隋唐五代爲正統又次三十六國六朝北齊爲僭偽蓋宋承五代五代承唐唐承隋隋承周周承後魏後魏承西晉故序

次如此

中興館閣書目曰開寶中翰林學士李昉承詔以前代宮殿池苑臺觀門闕名號見於載籍者集爲一篇上之玉海一百五十八

直齋書錄解題曰歷代宮殿名一卷翰林承旨李昉等纂歷代及僭偽宮殿門闕樓觀園苑池館名無不畢錄

禁扁五卷舊抄本

東平王士點纂次

歐陽元序至順元年

虞集序至順癸酉

自序

右宮殿簿

元和郡縣志四十卷 舊抄本

唐金紫光祿大夫中書侍郎同中書門下平章事兼集賢殿大學士監修國史上柱國趙國公臣李吉甫撰 閱卷十九二十卷二十三二十四卷二十六卷三十六凡六卷 自序

太平寰宇記二百卷 舊抄本 季滄葦藏書

宋謝奉郎太常博士直史館賜緋魚袋樂史撰 閱卷四卷一百十三至一百十九凡八卷每卷末有校勘未知撰人卷首有季振宜藏書印記

自序

輿地紀勝二百卷

影寫宋刊本

從錢塘何氏藏宋刊本影寫

四東陽王象之編

是書敘述詳核採摭繁富凡沿革風

俗形勝景物古迹官吏人物仙釋碑記詩文分門牘載上
可作考證地理之資下可爲登臨題詠之助其所引書如
國朝會要中興會要高宗聖政孝宗聖政中興遺史等書
皆傳本久絕藉此得考見崖略伏讀

欽定四庫全書總目云王象之有輿地紀勝二百卷今未見傳
本則其佚久矣此本從宋雕本影寫闕卷十三至十六卷
五十一至五十四卷一百三十五至一百四十四卷一百
六十八至一百七十三卷一百九十三至二百共闕三十
二卷

世之言地理者尙矣郡縣有志九域有志寰宇有記輿地
有記或圖兩界之山河或紀歷代之疆域其書不爲不多
然不過辨古今析同異攷山川之形勢稽南北之離合資
遊談而誇辯博則有之矣至若收拾山川之精華以借助
於筆端取之無禁用之不竭使騷人才士於一寓目之頃
而山川俱若効奇於左右則未見其書此紀勝之編所以
不得不作也余少侍先君宦遊四方江淮荆閩靡國不到
獨恨未能執簡操牘以紀其勝及仲兄行甫西至錦城而
叔兄中甫北趨武興南渡渝瀘歸來道梁益事皆衮衮可
聽然求西州圖記於篋中藏未能一二雖口以傳授而猶
恐異時無所據依也余因暇日搜括天下地理之書及諸

郡圖經參訂會粹每郡自爲一編以郡之因革見之編首而諸邑次之郡之風俗又次之其他如山川之英華人物之奇傑吏治之循良方言之異聞故老之傳記與夫詩章文翰之關於風土者皆附見焉東南十六路則倣范蔚宗郡國志條例以在所爲首而西北諸郡亦次第編集第書品浩繁非一家所有隨假隨閱故編次之序未能盡歸律度然而一郡名物亦庶幾開卷而盡得之則回視諸書似未爲贅也或者又曰昔太史公力行天下上會稽探禹穴歷覽山川奇傑之氣以爲著書立言之助先儒至欲効子長之遊而後始學其爲文今子乃合天下之書不出戶牖而欲名山大川若躬履焉於子長之遊未免有戾乎余因

自笑曰昔子畏因避而得作書之趣余乃因書而得山川之趣其迹雖不同然亦未可盡以迹拘也當從識者而問之嘉定辛巳孟夏東陽王象之謹序

東陽王象之儀父著輿地紀勝一書甚鉅書成句余爲序且曰吾書收拾天下郡縣山川之精華使人於一寓目之頃而山川俱若効奇於左右以助其筆端取之無禁用之不竭余告之曰昔昌黎韓公南遷過韶州先從張使君借圖經其詩曰曲江山水開來久恐不知名訪倍難願借圖經將入界亦逢佳處便開看然則天下郡縣山川之精華是真名人志士汲汲所欲知也然所在圖經類多踈畧舛訛失之鄧野多矣必得學者參伍考正而勒爲成書然後

可據也本朝真宗時翰林學士李宗諤等承詔譔諸道圖
經凡一千五百六十六卷今其書存者止十之三四甚可
惜也然四方一郡一邑隨所至亦各有好學之士收摭記
識甚備其目一一見於冊府纂錄最可稱者如唐麗正殿
直學士韋述東西兩京新記及本朝龍圖閣直學士宋公
敘求長安河南二志尤爲該贍精密今儀父所著余雖未
睹其全第得首卷所紀行在所以以下觀之則知其論次積
日而成致力非淺淺者蓋其書比李氏圖經則加詳比韋
宋所著記志庶幾班焉使人一讀便如身到其地其土俗
人才城郭民人與夫風景之美麗名物之繁縟歷代方言
之詭異故老傳記之放紛不出戶庭皆坐而得之嗚呼僥

父之用心可謂殫矣然余又嘗語儀父曰古人讀書往往止用資以爲詩今儀父著書又祇資它人爲詩不亦如羅隱所謂徒自苦而爲它人作甘乎儀父笑而不答余以是知儀父前所與余言者特寓言耳其意豈止此哉夫昌黎大儒也固嘗六土地之書未嘗一得其門戶且謂古之人未有不通此而爲大賢君子方欲退而往學焉意其學也必也窮探力究洞貫本剝非著近世膚末昧陋爲口耳之習姑以眩人夸俗而已是則昌黎道術文章之盛所以名當代而傳後世者非以此乎蓋聞之凡爲士者學必貴於博非博則無以至於約然其大歸必貴於有用則始爲不徒學也蕭何從沛公入關先收秦府圖書故因以知天下

阨塞戶口多少之慮漢之得天下此亦其大助東方朔劉
向皆以多識博極獲備天子訪問爲國家辨疑祛惑豈曰
小補其事今見山海經首本朝劉侍讀原父奉使契丹能
知古北口松亭棚可道里之迂直以詰敵人敵相與驚顧
羞惡卒吐實以告士君子多識博極至此豈不足以外折
四夷之姦心表中國之有人哉是則地里之書至此始爲
有用之學至若許敬宗之對唐高宗第能明帝已得名所
自遂過眩其長以矜忤于人此則爲士者之所笑而不道
者也然則余之所望於儀父者固以朔向及劉侍讀之事
豈但以資它人爲詩而已乎前言姑戲耳寶慶丁亥季秋
三月眉山李塹序

鳳口口誨墨示所著紀勝之書口拜涵讀略窺一斑輿地萬里如在目前備見學識之博收拾之富攷究之精會粹之勤不勝嘆伏作邑而有餘力及此豈俗吏所能爲哉久欲率諸公薦敷於朝以連日禱雨未暇及近方得與口卽言之亦不過在口鳳未行之前具此稟復伏幸知悉凡有手諭願承下疑有闕

右謹具呈

七月日朝請大夫直寶章閣口口制口口口事同知洪州口口口曾口鳳劄子

直齋書錄解題曰輿地紀勝二百卷知江甯縣金華王象之撰蓋以諸郡國經節其要畧而出川景物碑刻詩詠初

無所遺行在宮闕觀寺是冠其首關河版圖之未復者猶
不與焉眉山李說齋季允爲之序

王氏輿地紀勝二百卷予求之四十年未得近始於錢唐

何夢華齋見影宋鈔本假歸讀兩月而終篇每府州軍監

分子目十二曰府州沿革

若有監司軍將駐節者別叙沿革於下

曰縣沿革

曰風俗形勝曰景物上曰景物下曰古迹曰官吏曰人物

曰仙釋曰碑記曰詩曰四六今世所傳輿地碑記目者蓋

其一門不知何人鈔出想是明時金石家爲之也此書所

載皆南宋疆域非汴京一統之舊然史志於南渡事多闕

畧此所載寶慶以前沿革詳贍分明裨益於史事者不少

前有嘉定辛巳孟夏日序寶慶丁亥季秋李塋序及曾口

鳳劄子象之字儀父金華人嘗知江寧縣事不審終於何
官其自序云少侍先君宦游四方江淮荆閩靡國不到又
云仲兄行父西至錦城叔兄中父北趨武興南渡渝瀘而
陳直齋亦稱其兄觀之爲褒路漕則中父疑卽觀之字又
記一書稱王益之字行甫金華人蓋卽儀父仲兄而其父
之名則無從考矣此書體裁勝於祝氏方輿勝覽而流傳
絕少雖闕三十二卷究爲人間希有之本予以垂老得寓
目豈非大快事耶嘉慶壬戌中冬竹汀居士錢大昕書

新編方輿勝覽七十卷

舊抄本

宋建安祝穆和父編

輿地有書尙矣自上世九丘旣逸而夏之禹貢周之職方

燦然明備至秦郡縣天下兩漢遂有地理郡國志歷代多
倣之唐圖十道皇朝志九域皆是物也然秉筆記載實難
文獻不足無以參稽而互考非足履目睹則真廣詳畧何
從信之司馬遷貫紬經傳旁採子史又聞長老之所稱而
必觀九江望五湖賦四海行淮泗而後成河渠之書東方
朔誦詩書二十二萬言三冬文史足用又隨師踐赤縣遊
五嶽行澤陂息名山猶以所見參酌山海經而後神異經
十洲記始作學問不博聞見不廣涉歷不親而欲會集四
海九州山川風俗土產景物人材文章名數沿革之詳特
証而已建陽祝穆和父本新安人朱文公先生之母黨也
幼從文公諸大賢游性溫行淳學富文贍雅有意於是書

嘗往來閩浙江淮湖廣閒所至必窮登臨與子有連每相
見必孜孜訪風土事經史子集釋官野史金石刻列郡志
有可採摭必晝夜抄錄無倦色蓋爲紀載張本也且許異
日成編當以相示如是者累年近訪予錢坤馬城之竹垞
日編成矣敢名以方輿勝覽而銓梓以廣其傳庶人人得
勝覽也君幸爲序以冠其首予不視所載辭簡而暢事備
而核各州風物見於古今詩歌記序之佳者率全篇登入
其事實有可拈出者則纂輯爲僂語附於各州之末較之
錄此而闕彼舉略而遺全循說而失實泛濫於著述而不
能含咀其英華者萬萬不侔也信乎其爲勝覽矣學士大
夫端坐聽几而欲周知天下操弄翰墨而欲得助江山當

覽此書毋庸他及所謂執瑤璣以觀大運據要會以觀方
來不勞餘力盡在目中信乎其爲勝覽矣雖然我瞻四方
禹迹茫茫思日關於先王慨未歸於故疆必也志存乎修
攘步極乎亥章使吾和父涉歷彌長間見彌詳紀載益鋪
張而勝覽益輝煌是乃爲邦家之光予尙得以搜攘其旁
嘉熙己亥夏月望日新安呂午序

始予遊諸公間強予以四六之作不過依陶公樣初不能
工也其後稍識戶牖則酷好編輯郡志如耆昌歌子亦自
莫曉其辭所至輒借圖經積十餘年方輿風物收拾略盡
出以諗予友乃見譏曰還如食小魚所得不償勞子恍然
自失益蒐獵古今記序詩文與夫稗官小說之類摘其要

語以附入之予友又暗曰天吳與彩鳳顛倒在短褐予復
憮其破碎斷續而首末之不貫也又益取夫鉅篇短章所
不可闕者悉載今文大書以提其綱附註以詳其目至三
易藁而體統粗備予友亦印可焉予猶未欲以爲然也既
又攜以謁今御史呂公竹坡先生幸不斥以狂僭辱爲之
序走不足以當也嗟夫昔者孔子嘗曰爲命裨諶草創之
世叔討論之行人子羽修飾之東里子產潤色之夫以一
命令之出猶更四賢之手矧予陋聞謏見徒以兩耳目之
所及而欲該天下之事事物物坎蛙窺天其不量甚矣雖
然世有楊子雲必知是編之不苟豈直爲四六設哉若夫
網羅遺逸啟發愚蒙予方有望於博雅君子嘉熙己亥仲

冬既望建安祝穆和父鑒

寰宇通志一百十九卷 明景泰刊本

國文淵閣大學士陳循等奉勅撰 成祖時採錄天下郡縣圖經編纂方始成祖上賓更歷三朝未克竣事景帝卽位經進先志續命纂輯勒爲成書爲卷凡一百一十有九名曰寰宇通志英宗復辟以其書汎濫命儒臣約爲一統志自一統志行而是書遂晦三百年來流傳絕少故著於錄云

景帝御製序 景泰七年

陳循等進書表 同上

右總志

愛日精讀藏書志卷十五終

愛日精廬藏書志卷十六

史部

地理類

吳郡圖經續記三卷 舊抄本

朱長文撰

自序 元豐七年

常安民書後 元祐元年

林慮後序 元祐七年

祝安上鏤板序 元符庚辰

孫佑跋 紹興四年

乾道臨安志殘本三卷 抄本

吳興周深彥撰 原十五卷今存首三卷

屬鵲跋

杭世駿跋

三山志四十二卷

抄本

梁克家撰

予領郡暇日訪無諸以來遺蹟故俗間晉太康既置郡之一百一十三年太守陶夔始有撰記又四百五十六年至唐郡人林誦復增爲之皆散逸無存者獨最後一百九十二年本朝慶曆三年郡人林世程所作傳於世自言視前志頗究悉然不過地里□□□土物產之大槩衰次亦復缺略迄今又一百三十九年興廢增改率非□□□闕不

書者十九矣追惟往昔之事不可復記口常以爲恨至耳目所接謂未遠民沒則又不急於紀錄歲月因循忽莫省憶使來者復恨之斯古今□□爲甚惜也乃約諸里居與仕於此者相與纂集討尋斷簡援據公牘採諸長老所傳得諸閭里所記上窮千載建創之始中閱累朝因革之申而益之以今日之所聞見厥類惟九靡不論載豈惟使四方知是邦於是爲盛抑鄉古者有考焉書成爲四十卷名曰三山志淳熙九年五月八日丁丑清源梁克家序

吳郡志五十卷

宋刊舊抄本

宋吳郡范成大撰 圖序目卷八卷九卷十一卷十四十五十八卷二十三至二十五卷二十九至三十一卷四十五

一四十二四十六四十七凡十六卷以舊抄本補

趙汝談序

紹定二年

吳郡志五十卷

毛板校宋本

因吳郡范成大撰 卷十一鄭守題名吳淵下毛本闕鄭

霖等六人此本從影寫宋本從補

趙汝談序

新安志十卷

宋本

羅願撰

趙不悔敘

自叙

淳熙二年

雲間志三卷

抄本

楊潛撰 上中兩卷自封域至進士題名凡二十七門

下卷則詩賦墓誌記序說箴銘祭文是也敘述簡核不漏
不支蓋與志中之有古法者

自叙 紹興癸丑

會稽志二十卷會稽續志八卷 明正德刊本

施宿等撰續志 **張湜撰**

陸游序 嘉泰元年

張湜續志自序 寶慶元年

嘉定鎮江志二十二卷 抄本 從陳君子準藏本傳錄

盧憲撰 原書不著撰人名氏案直齋書錄解題載盧

憲鎮江志三十卷是書卷五寬賦有憲謹釋曰云云卷二

十一雜錄有憲竊謂云云卷二十二人物雜記有盧憲論
曰云云則是書爲憲所撰無疑卷十學校載嘉定癸酉教
官盧憲謁廟事則志當成于此時若卷五常賦載及嘉熙
實祐景定德祐時事蓋後人所增入者首叙郡終拾遺凡
七十三門而以郡縣表冠首體例謹嚴採摭繁富所附案
語鉤稽考核亦極精密兩宋道文所載尤夥考京口文獻
者要必以是書稱首焉

直齋書錄解題曰鎮江志三十卷教授天台盧憲子準撰
刻錄十卷 文淵閣傳抄本

宋 高似孫撰

山陰蘭亭禊刻雪舟一時清風萬古冰雪王謝抱經濟具

二戴深經學奈何純曰高逸也嗚呼山川顯晦人山人顯
晦天也天下多奇山川而一襖一雪致有爽氣可謂人矣
江左人物如此然二戴刻王謝亦刻孫阮輩又刻非天平
漢迄晉永和六百餘年右軍諸人乃識刻永和至皇宋嘉
定幾千年史君尹刻訪似孫錄刻事刻始有史桑欽水經
鄆道元許道元魏人先儒辨其北事詳南事略似孫劉人
也如其精數俟刻人宋嘉定甲戌高似孫序

刻在漢爲縣在唐爲陳州未幾復爲縣本朝宣和間以刻
爲兩火一刀不利於邑故更今名邑舊有鄉四十後分十
有三別爲新昌縣今所存纔二十七鄉耳夫州縣之名雖
數變更然山川之靈蓋自若也使刻古而有志則歷代因

革廢興之典百世可知也予懼夫後之視今亦猶今之視昔故爲剡錄十卷錄皆高氏所作凡山川城池板圖官治人傑地靈佛廬仙館詩經畫史草木禽魚無所不載度此板可支百年後之人毋以印刵而輒廢斯書也宋嘉定八年歲次乙亥縣令鄞人史安之序

赤城志四十卷

明宏治月本

陳耆卿撰

圖牒之傳尚矣今地踰萬里縣不登萬戶亦必有成書焉矧以台爲名邦且稱輔郡綿涉千歲迭更數百守而闕亡以詔難之歟抑因陋襲簡不暇問歟蓋昔有守四人嘗厘其力於斯矣如尤公襄唐公仲友李公兼顧執掌不克就

最後黃公留辱以命余借陳維等纂輯焉會黃去匆匆僅就未備也束其纂十年矣更久則非惟不備而併與僅就者失之今青社齊公碩始至欲迄就未暇踰年報政遂復以命余於是郡博士姜君容總權之邑大夫蔡君範以下分訂之又再囑陳維及林表民等採益之既具余爲諗沿革詰異同剗鉅纖權雅俗凡意所未解者恃故老故老所不能言者恃碑刻碑刻所不能判者恃載籍載籍之內有漫漶不白者則斷之以理而折之於人情事立之孔卷授之引微以存教化識典章非直爲紀事設也如是者半載而書成嗟夫同是州也非可成於今不可成於昔也或曰有時爾昔歐陽公論學慨述吏道以爲有司傳書之所不

責者謂之不急夫豈惟學哉語以圖謀非不急之尤者邪
然而莫與於圖謀莫深於簿書有司之所不急固君子所
急也今公之爲政也剖叢滌煩燭幽洞隱於有司所急者
誠井井矣而於君子所急者尤卷卷焉用能以半載之間
紉千歲之闕增十年之未隋洗數百守之因襲成四人之
厯嗟夫此豈以其時哉書成者時也所以成者公之志也
其志立則時赴之矣無其志而曰需其時者吾未之聞也
豈惟一圖謀爲然天下事皆然嘉定癸未十一月既望郡

人陳耆卿序

謝鐸重刊序

宏治丁巳

寶慶四明志二十一卷開慶四明續志十二卷

文淵閣傳抄

木

羅濬撰續志 梅應發等撰

四明志作於乾道述於寶慶詳矣然則何續乎所以志大使丞相履齋先生吳公三年治鄞民政兵防士習軍食興革補廢大綱小紀也其已作而述者不復志昔人謂舊相作鎮者多不以民事爲意惟向文簡大耐官職勤於政事所至著稱公不均其逆而先其難過於文簡敗等矣又謂寇萊公所至多游晏張文定尙蕩任情獲盜縱遣公慨念海道東達青齊禦侮弭盜之方周防曲至世人未必盡知也若夫切切眈眈盼盼雨晴一游一詠可以觀焉故併載之於後以詔來者蓋公之學達於體用自身而家家而國

國而天下有本者固如是也豈規規然求度越於冠張二
公哉雖然鄞猶故鄞也昔何爲而匱今何爲而豐者昔何
爲而蕩無綱紀今何爲而嚴知理法覽者必有得於是編之
外間慶元年中秋日門生廸功郎慶元府府學教授梅應
發奉議郎添差沿海制置大使司主管幾宜文字新添差
通判鎮江府劉錫百拜謹書

海鹽澉水志八卷

文淵閣傳抄本

常棠撰

嘗謂六典不作無以考周家風土之厚薄民物之老豐國
籍不收無以知秦人山川之扼塞戶口之強弱此澉水之
志不可無也澉水斗大一隅厥土斥鹵凡邱源之流時稅

賦之重經道途之遠近聚廬之衆寡與夫選舉名數先賢
遺跡素乏圖經茫無可考叔韶效官于茲甫及半稔正欲
搜訪輿理爲紀載史事執筆未暇也竹窗常棠字召仲寓
居是鎮一日告余曰郡有嘉禾志邑有武原志其載激水
之事則甚略焉使不討論聞見綴緝成編則何以示一鎮
之指掌於是正訂稽考集作一經名曰激水志激水者蓋
水經所載谷水流也爲激浦者是也召仲其容辭紹定三
年重陽前一日修職郎監嘉興府海鹽縣激浦鎮稅兼煙
火公事羅叔韶序

紹定三年鎮尹羅儀甫屬余撰激水志雖一時編集大略
而僥甫滿去竟弗暇聞逾七八政輟歲既久訂正尤詳因

見邊孫君來此聽訟優長遇事練熟雖鎮場廢壞非隣曩
比然能公謹廉敏明燭隱幽才餘有餘趁辨自足爰割已
俸售募鑄行水軍袁統制間而喟然曰是書不刊於鎮稅
全盛之前乃刊於鎮稅凋弊之後甚可嘉已銳捐梓料肅
贊其成噫元和郡縣志丞相李吉甫所制也後三百餘年
待制張公始刻于襄陽今余所編澠水志後二十七稞權
鎮孫君卽鑄于時阜則是書之遇知音不又大可慶耶竹
窗常棠

清祐臨安志六卷 抄本

宋施鐸撰 原書卷數無考今存城府山川兩門自卷五
至卷十凡六卷題稱臨安志無清祐字亦無撰人名氏伏

讀

欽定四庫全書總目云周淳創爲臨安志其後淳祐間施錡咸淳間潛說友愿事編纂皆有成書今惟潛志尙存鈔帙周施二志世已無傳云云是書所載事迹至淳祐止稱理宗爲皇上其爲施志無疑叙述簡雅徵引該洽所引祥符圖經宋代已佚藉此得稍存崖略遺文逸詩多有咸淳志所未載者書雖殘闕亦足爲考證之資也

城府小序曰自古圖謀所載郡國必繫之於山蓋陵谷之遷變不常而城邑之更易亦異山則終古表立而考論輿地者恃以爲識焉錢塘舊治武林山猶云通江則今之湖固與江通也華信作塘乃徙平地則已漸爲陸矣若沙河

漾沙坑與所謂瀾頭之類皆古水所及也隋代始州於柳
浦西依山築城嘗慨然求所謂柳浦者已不可考而依山
所築則今之鳳凰山也前治武林山治後鳳凰山兩山之
間昔水今陸豈非天所以啟神明之曠乎厥今商邑翼翼
四方之極巍巍煌煌不可尙已抑嘗聞長安之都八街九
陌相爲經緯中爲馳道無得輒行而左右升降有上下之
別是知壯麗以重威矣亦知京兆爲郡國首矣然馬謖歷
舉高結大袖之謠以爲雖或吏不奉法良山慢起京師周
良有言尙方今造一物小民明已瞬睨宮中朝製一衣庶
家晚已裁學然則所謂爲四方極爲郡國首者要必有在
而天造地設以成神臯威大之勢已非一時一世所積又

如其不易然也故具論之叙城府第三

山川小序曰蓋嘗登天目山憑仙壇石屋見山皆西南馳
雙溪並趨而合于於瀾縣尊岸似少駐回望天目曾雲中
如沉雄古大將按轡其後山大勢不可遏少頃驟已抵臨
安縣大官山者直培塿耳循而至九鑠山蓋略爲盤礴環
以天柱諸峰若暫止息者已而轟轟赴餘杭下武林靈隱
山始韶秀而山於是左右分北高峯左轉抵葛嶺下標以
保叔塔右轉一支挾南山標以雷峯塔二塔爲西湖門戶
而山特派起爲南高峰健以八蟠慈雲諸嶺翼爲七寶鳳
凰山昂頭布尾若翔而集前界大江乃止吁亦敵吳矣猶
未爲異也又嘗自黟歙諸山循行括蒼天台皆魁岸嶄特

至沃州下嵎嶺山漸平行薄雲門會稽漫以鏡湖纔少舒
暢文巒細巘靡靡至西陵所謂越王山者旁率諸山咸聳
亦界江而止吳越兩山於是相主賓而溯河衝貫焉然後
瞿然嘆曰山川無情也而天以是爲巧天非能巧也而氣
以是爲會然則氣之所會天不知其爲巧山川不知其爲
情彼大行黃河嵩洛雍渭之勢可坐想也夫杭之山川其
美衆矣大較當以是觀之叙山川第四

淳祐玉峯志三卷續志一卷

抄本

宋陽美凌萬頃陳留邊實撰續志**宋**陳留邊實撰

理該

文核綱舉目張考崑山文獻者以是二書爲最古原書闕
文頗多庚辰仲夏從陳君子華藏舊抄本校勘一過訂誤

補缺始稱完善云

崑山爲吳壯邑地險而俗勁田多而賦重凋弊積有年矣
故於稽古載籍之事多缺焉考之吳郡志雖附書一二其
詳不可得而聞公澤承乏學製每與鄉校諸友議斯缺典
欲網羅補苴然方有公事未皇也直學凌君掌儀邊君俱
有俊譽慨爲己任搜訪掇拾斯已勤矣地理標名財賦之
件曰嘗與參訂至若廢置因革人物異聞視昔爲詳將求
印證於多識前言往行者俄及瓜懼失其傳而二君之勞
孤矣姑錄諸梓以俟方來庶知今者果不謬古者猶可質
云淳祐王子中和節東嘉項公澤謹跋

郡縣必有志獨崑山無之豈前人之長不及此哉期會之

事有急於此則謂之不急也亦宜然往無所稽來無所據
識者每以爲歎永嘉項公出宰茲邑百廢具興一日下叩
圖經事以萬頃嘗輯叙一二蓋略焉而未備也掌儀邊君
尤勤於搜訪遂相與編次期年乃成本古今郡志所附而
益以耳聞目見之可攷者大槩公之修創增益爲多昔人
以笏比甘棠後之覽者猶笏然則是志爲不徒作矣博雅
之士尙訂正之松臞凌萬頃叔度書

玉峰有志尙矣淳祐壬子編類於邊君直學之筆刊鏤傳
信距今逾二十稔咸淳壬申余捧檄代庖斯邑緝閱是書
頗有遺佚若派買之公田撥隸若學校之創主學建直舍
或述前輩之詩而曰載諸雜詠者爲不見全璧之嘆或題

掄魁之名而不編入人物者有幹乘周鼎之疑是皆聚於
時之所不及失於見聞之所不逮耳余因以續志屬之邊
君邊君曰某有志於此久矣敢不自力迺會梓古書搜覽
今籍三閱月而書成增入者三十餘條改定者二十餘條
混混乎風土之攸宜總總乎事物之備舉理該文核綱舉
目張其長公訓導銓釋雜詠亦一新之余重鄉邦觀不忍
釋手謹命工繡梓以壽其傳後之覽者與吾同志嗣而續
之庶斯文之不泯也是歲中秋日合沙玉淵謝公應謹書
石湖先生志吳郡嘗與龔勝周三君子相詮次有某人持
某事求入志不得遂譁曰志非石湖筆也不湖嘆不辨崑
志之作向出於二人之手事詞或未一今夏不揆續修將

以釐前誤而紀新聞或有識其擅者其與識吳志者若相反焉於此可以知後進之視先達天地之相遼絕也於其鈐梓之畢書以自訟此意邊實謹書

余先世自常熟雙鳳里徙家嘉定西鄉迨余八傳矣嘉定本崑山地宋南渡始析爲縣徵吾鄉掌故者泝而上之當求諸崑山而宋元志乘訪尋終不可得意常恨之今春聞袁又愷購得凌萬頃邊實玉牒志及寶續志亟假歸讀之志成於淳祐壬子續志成於咸淳壬申皆在析縣以後不叙嘉定事然遍覽近代藏書家目錄均未之及乃知天壤間奇秘之物固自不乏特未遇波斯不免埋沒於瓦礫耳宋世士大夫宦成之後往往不歸故鄉而舉子亦多就竒

居求解此志所載人物如王綢劉過吳仁傑陳宗名敖陶
孫張匯趙監樂備輩皆寓公也王葆傳稱崑山自孫載登
第甲子一周而葆繼登第邑人美之今檢進士題名則孫
後王前尙有龔程龔况唐輝黃偉衛闕張德本六人殆皆
由寄居登第而不由本縣申送者乎凌萬頃字叔度景定
三年進士本陽羨人其父爲顏氏壻因家焉邊寶本開封
人樞密直學士肅七世孫自高祖以下始居於此志旣爲
其曾祖惇德立傳而續志復爲自序一篇追本得姓之始
遙遙華胄敷衍千言難免汰哉叔氏之譏矣嘉慶丁巳秋
八月嘉定錢大昕跋於紫陽書院

宋承直郎宜差充江南東路安撫使司幹辦公事周應合
修纂 闕卷六至十卷二十九至三十三卷四十三四十
四凡十二卷抄補

馬光祖序 景定辛酉

馬光祖進表

馬光祖獻太子牋

周應合修志本末

顧氏手跋曰此讀未見書齋所藏景定建康志依宋本舊
抄也失去者十二卷 六至十二十九至三十三四十三四十四 堯圃既從家抱
冲本抄完復以卷中闕頁屬予補寫意謂當是所據宋本
模糊抱冲本雖有或係出於補板故不羈入而附於後蓋

慎之至也抱冲本有錢竹汀先生校語十餘條別爲一紙錄之嘉慶丁巳澗齋記

黃氏手跋曰嘉慶丙辰從書肆得影宋抄景定建康志殘本九冊有半問其由來蓋浙省書攤以此爲模稜書籍之廢紙已去其二冊有半彼以素紙易之故奇零如是予因假抱冲本抄補至丁巳冬竣事抱冲本爲鎮洋間公名珽字書臺之所藏與嘉定錢少詹相友善少詹曾從借觀故附校語於其中黃丕烈識

又曰嘉慶庚申陽湖孫觀察借予是本寫樣付梓孫僑寓金陵從節署獲觀康熙間

勅賜宋本間有闕失故假影鈔本相勘辛酉冬以原書歸予并

惠新刻本于逐一繕閱其間實有誤處宜增補更改者如
卷一第六葉留都圖原本闕宜存空白卷十三第三十二
葉原本有宜補卷二十二古南苑以下行款改宜更正卷
二十九第一葉卷四十五第一葉文異俱宜更正未知校
勘時何所據而不遵影宋本也王成小春不烈識

景定嚴州新定續志十卷

文淵閣傳抄本

宋鄭瑤方仁榮撰

方逢辰序曰郡之有誌所以記山川人物戶口田賦凡土
地之所宜也嚴於浙右爲望郡而界於萬山之窟厥土堅
而隔止不受潤下不升鹵雨則潦穽則槁厥田則土淺而
源枯介乎兩節節級級如橫梯狀具民苦而耐其俗膏

而野其戶富者畝不滿百其賦則土不產米民僅以山

而入帛官兵 廩率取米於隣郡以給而百姓日糴則取

給于衛娶蘇又之客升較之澗右諸郡其等爲最下下而

嚴之所以爲望郡而得名者不以田不以賦不以戶口而

獨以雲山蒼蒼江水泱泱有子陵之風在也郡誌自淳熙

後缺而不修者距今七十餘年矣吳越錢君可則以太府

丞來守嚴政事之暇爲之訪蒐以補其缺編削記事走書

屬予爲序予謂嚴爲我太宗皇帝高宗皇帝建旌之地今

皇儲賜履則封則一郡之山川人物風俗戶口田賦職方

氏皆欲究知之矧惟天子聖明勤恤民隱凡州牧之出辭

入覲必詳訪焉是編之作非惟可以備顧問亦可以少助

宵旰民瘼之萬一也 數峯集

咸淳臨安志一百卷 舊抄本

宋 潛說友撰 闕卷六十四卷九十卷九十八至一百凡

五卷

恭維聖宋受命奄旬萬方大明中天煥燁自息迺太平興
國三年吳越以其地歸我職方氏是歲杭始置守丞建炎
陞府遂爲行在所按古志杭舊屬會稽禹於此舍航而陸
故名恭間光堯大駕初臨登郡治中和嘗作爲歌詩慨懷
夏后氏之烈聖心曠數千百載而神交固有幾乎禹蹟之
外其亦見夫流風躋俗得過化之所存而有感焉耳嘗試
觀之有車船穉穉之蹟故其人至於今忠以勤有苗山封

爵功德之會故其人至於今勸於爲善有織貝楹栭之貢
故其人至於今知尊君而愛親饒氏生長其間性習自然
國三世四王而終不失其臣節迨宋之興也深察夫人心
歸德之天如川斯赴莫之能止則一旦決然舍去其固有
之業以委命于朝忠懃誠忠矣抑杭之人何莫非忠懿天
地之間燥溼風雲萬物一氣杭獨空十字之所漸者遠知帝
王正統所在焉故也自國家眎之如在甸服率選空十地
大故要必有所甚重者湛恩醴化涵浸滋久益固結而不
可解南渡艱難之際旄倪提攜左簞右壺牛酒相屬於道
頓首六料之下如見父母誓有殞無貳雖屢更大震撼而
莫之變也川永我命於茲新邑迹是三百年間杭之有功

於國家也甚大而祖宗之有德於杭亦深矣開慶羣小誤
國召戎一時謀臣或倡異議幾搖根本賴先皇帝蔽自上
志獨倚今太傅辯章國公外頓入絃內維九鼎宗廟社稷
之靈恃以安寧卒之披攘蒙霧再奠宇宙至今八街九陌
歌鼓四時往往相與咨歆不圖復見今日烏乎我理宗有
德於杭也不又大歟杭之福諸夏之福也肆皇上克篤前
烈宅中國大不以遇臣爲不肖命殿是邦幸遇朝廷治平
年穀屢登浩穰之府化爲簡淨因得以蓋其疵毗暇日視
故府閭郡乘或病其漏且舛乃葺而正之增而益之凡爲
圖爲表爲志總百卷而冠以行在所錄尊王室也旣成上
之天府以備政教之萬一焉禹貢稱冀州旣載梓者謂以

貢賦役事載之書其於天子所自治之國謹重固如此九
州攸同言歸舊京聖子神孫尙充念我光堯懷禹之遺志
云中奉大夫權戶部尙書兼詳定勅令官兼知臨安軍府
事兼管內勸農使兩浙西路安撫使馬步軍都總管兼點
檢行在贍軍激賞酒庫所緡雲縣開國男食邑三百戶臣
潛說友謹序

嘉禾志三十二卷

元 徐碩撰

圖志之書古史筆也成周職方掌天下之圖外史掌四方
之志事亦重矣嘉禾爲志何昉乎猶記袁似衡爲郡治中
其家常有古書江浙圖志無不備獨禾與劇然非闕也禾

興經邑爲州才三百載五代至宋初皆倖倖不暇真宗景德四年嘗詔諸道脩圖經僅得海鹽一志而已清熙甲午郡守張元成始延聞人伯紀爲郡志此作古也前乎伯紀所謂舊經雖博覽之士無所見其簡略可知後乎伯紀郡守岳珂嘗命鄉先輩闕表卿重修且徧檄諸邑搜訪古跡可謂勞於用力書未成而勸翁改調上而無紀錄之冊可參次而無老成之士可質又次而無賢子弟可詢其家世其欲正譌補闕豈不難哉仰惟皇帝考圖數貢自北而南此不容於浸廢往者郡經歷單君慶因請重修郡博士徐君碩承命屬筆搜獵散亡其綱正其篇目加多旣完矣而母丘之板則未也萊山劉公傑來殿是邦路推翟公汝弼

啟其議諸路官又相其成可謂是書之幸夫圖志重事也
其存亡夫豈偶然雷次宗非無豫章紀洪駒父求之不得
見范石湖非不慕吳郡志以妄議而不得刊今嘉禾志闕
而全絕而續郡侯其有功矣哉昔賢德元不能對帝丘之
問人到於今陋之今郡人得是書可以不爲德元矣余故
喜爲之辭至元戊子孟夏里人鄒晦序

郡有志倣九丘遺意也書以志名凡一郡之事皆在所當
錄豈特土地所生風氣所宜而已哉嘉禾在春秋爲檇李
至吳黃龍三禩以禾生山拳野故名自春秋距今千七百
餘年其間有沿有革有廢有置世道污隆之故人物盛衰
之由與夫山川風景之所以殊郡邑事蹟之所以異其可

紀者何可勝數而舊志多簡略弗載宋嘉祐甲戌郡守岳
侯珂悼前聞之遺闕當命鄉先輩關表卿栻任行人子羽
之事編纂將上而岳侯去鄉論惜之越六十三載皇帝撫
有江南寸天尺地無一不入版圖內迺至元甲申克齊單
公慶來佐郡幕公餘過從輒清談竟日每喟然歎曰圖志
三歲一上法也此邦自總府開藩亦既數年而郡志未脩
非闕典歟遂創議檄委郡博士徐君碩重加修纂君承命
惟謹網羅散失抉剔幽眇攷古訂今裒集會粹異之爲卷
者五今之爲卷者三十有二囊之爲門者二十有五今之
爲門者四十有三彪分臚列此志得爲全書徐君之用功
亦勞矣編成而萊山劉侯傑實來一日歐陽戾泮路推良

佐翟公汝弼以是白侯侯喜退而誌於同列同列亦喜亟
命工刻諸梓時與人會事與機投莫不慶是書之遭昔張
茂先志博物士歆其才蕭相國收國籍史建其識向非侯
有相國之識思以其知戶口爲急務則此志編而不刊與
不編等徐君雖有茂先之才其何以自見是舉也侯既能
俾創議者不至爲岳之中沮又能俾修纂者不至爲閻之
徒勞侯亦賢矣哉侯不鄙屬余序奚敢以老鈍辭雖然此
一郡事也侯賦政於外屢殿名邦入坐廟堂將以均四海
爲己任他日志輿地志九域必有能紀侯之勲業者侯其
勉之至元著雍困敦孟夏朔日里人前進士納軒叟唐天
啓書

類編長安志十卷

舊抄本

紫竹堂藏書

元京兆路儒學教授駱天驥纂編開成路儒學教授薛延年校正 是書取宋欽求志刪去繁蕪撮其樞要增入金元沿革分門類聚故曰類編宋元地志大江以北自齊乘外無一存者是書雖以古蹟爲主凡州郡之變更城郭之遷移以及山川名勝宮室第宅邱陵冢墓與夫古今興廢之殊名賢游覽之作無不備錄又附之以紀異辨惑而以石刻終焉則列之郡縣志中當無不可所採如地理證編三輔會要今且無有知其名者金元詩文所載尤夥俱足以資參考是書也非所謂絕無僅有者歟卷首題薛延年校正延年當卽注人倫大統賦者文淵閣書目紫竹堂書

目俱著錄此本有葉伯寅圖記及葉氏藏書印記知卽葉竹堂舊藏本也

雍之長安其來久矣乃古之鄉聚名在豐鎬間周秦時已有之李善西都賦注漢高帝都關中築宮城擇嘉名可長安於子孫故曰長安城可長樂於宮室曰長樂宮長安之名自此始著宮室記曰秦之咸陽北至九嶷南至南山東至河西至汧離宮別館相望聯屬木衣綈繡土被朱紫宮人犬馬不移樂不改懸窮年忘歸猶不能遍至漢武廣開上林苑中有三十六宮二十二觀秦之故宮莫不增葺秦迄今寥寥千五百載兵火相焚蕩宮闕古蹟十亡其九僅有存者荒臺廢苑壞址頽垣禾黍離離難以詰問故老相

傳名皆訛舛如秦莊襄王陵爲韓信冢漢長安城爲陽甲城隋太極殿基爲走馬樓董仲舒墓爲蝦蟆陵漢武太一谷爲炭谷唐興慶宮爲九龍池雖有舊記各紀一時之事其沿革互換之名各不同宋敏求編長安志自周秦至唐宋唐京兆府管二十三縣宋永興軍領十三縣華耀乾三州鳳翔一府關商同二州華止有渭南蒲城兩縣殷祠一名今爲三縣漆沮二水同爲一河漆出醴州俗號石州河至櫟陽南交口合渭沮出同州號洛河三合口合渭相去百餘里爲漆沮一河其故事散布州縣難以檢閱僕家本長安幼從鄉先生游兵後關中前進士碩儒故老猶存百人爲士林義塾耆年文會講道之暇遠游樊川韋杜近則

鴈塔龍池其周秦漢唐遺址無不登覽或談故事或誦詩
文僕每從行故得耳聞目覩每有闕疑再三請問聖元皇
子安西王胙土關中至元癸酉創建王府選長安之勝地
王相兼營司大使趙以僕長安舊人相從遍訪周秦漢唐
故宮廢苑遺蹤故蹟自豐鎬阿房未央長樂太極含元與
慶魚藻驛不登歷是以長安事跡足履自見之熟從心之
際每思舊志散漫乃剪去繁蕪撮其樞要目漢晉隋唐宋
金迄皇元更改府郡州縣引用諸書檢討百家傳記門分
類聚并泰中古今碑刻名賢詩文長安景題及鴻儒故老
傳授增添數百餘事裒爲一集析爲十卷目之曰類編長
安志覽之者不勞登涉長安事迹如在目前豈不快歟老

眼昏花中間多所脫略訛錯更竢好古博雅君子改而正之元貞丙申中元日藏齋遺老駱天驤引

長安古都會也自周秦漢魏已降有國者多建邦於此所以山川之形勝宮室之佳勝第宅之清勝丘陵之名勝爲天下最以其歷代沿革之不同互換之或異有好事者上書以志之如三輔黃圖三輔決錄西京雜記關中記景龍文館記等書或失之於繁或失之於簡莫如長安志之詳且盡也然或問一山一水一臺一榭茫然莫之能對良由卷軸之多分布散亂未能詳涉而遍窺也學者病之藏齋先生駱公飛卿辭聲利而違市朝老於翰墨者也讀書樂道之餘取長安舊志前後二十卷十餘萬言門分而類別

之使水能會涇渭灃之名山能萃太華終南之秀凡都
邑宮觀工陵墳衍沿革興廢之名賢豪居處之迹士夫經
行之地僞人題品之文又注於下棋布星羅若網在綱有
條而不紊書成或病其碎愚曰世之類書多矣如儀禮則
指某事而必窮其源通典指某事必盡其要通鑑事總韓
柳文類皆此意也儻人物混則孰能辨夷夏之殊五穀雜
則孰能辨菽麥之異且志曰方以類聚物以羣分不如是
則不能成治道而贊化育也物且如是書何不然若鉅木
以行使游秦者不勞登涉而知地理之詳未至秦者得觀
此書目下長安宛在目前矣又不可謂秦無人焉大德戊
戌清明后二日安西路儒學教授鹿溪賈誠文裕序

九丘有書九州有貢地理有志寰宇有記皆四海之學也
或有山崩川移陵遷谷變歷代沿革隨時廢興所以不能
必其主名儻非識究堪輿學探今古至有皓首弗克致其
知者方輿雖未遍覽而所居鄉國懵然未知可乎哉京兆
教授駱飛卿長安故家也嘗集先儒舊志并古人詩文從
游前輩周訪鄉老其所得者其載無遺目曰類編長安志
而廢殿荒陵離宮別館城郭之損益州郡之變更脫遺者
增補訛舛者訂定駱公自序已詳之矣茲不必云較之舊
志一完善爾長安古都會也是編一出或平居暇日披覽
於几硯之間其周秦漢唐遺蹤故實不待訪一一可知
足跡未及如在目前使若是邦者胸中了然問無不知亦

士君子之一快也。賂公用心仁矣。大德戊戌夏四月中，泮
日前翰林直學士、太中大夫、安西路總管兼府尹、諸軍與
魯管內勸農事山木老人王利用序。

大德昌國州圖志七卷

文淵閣傳抄本

元 馬復京等撰

史所以傳信傳而不信，不如亡史。故作史者，必擯三者之
長曰學，曰識，曰才，而後能傳信於天下。蓋非學無以通古，
今之世變非識無以明事理之精微，非才無以措褒貶之
筆削。三者闕一，不敢登此職焉。然而有天子之史，有諸侯
之史，晉之乘，楚之檮杌，魯之春秋，是諸侯之史也。後世因
之，郡各有錄，所以備天子史官之採錄，亦豈可易爲哉？若

昔素王刑賞二百四十二年列國之君臣游夏不能贊一辭司馬氏以良史才而作史記議者皆猶謂十二諸侯年表爲散亂於聖經然則侯邦之志亦以記事纂言也而可易爲哉往宋末運人主好諛宰相導諛士大夫習諛內外遂以成風操史筆者多患得患失之夫希合顧望不惟混其實以誣公朝之是非抑且駕其虛以騁私意之向背故光甯埋三朝之史皆權臣黨與之蕪辭而郡縣間一時之志亦俟牧誇張之誕筆今宋史旣與國偕亡惟志書之見於郡縣間者版籍所計或以寡爲多風土所宜或以亡爲有形勢所在或以險爲夷貢賦所出或以儉爲泰評人物則多過情之譽陳民風則少退抑之辭粧飾富麗誇爲美

觀詳覈其實百無一二苟上之人按其國數其貢流毒貽
害可勝言哉昔蕭何入關收秦圖籍文書具知虛實險要
用以相漢厥功茂焉籍使今世或有踵蕭何之智信往宋
所存之記載責其實於天下郡國豈不敗乃公事余益以
悲世變之至宋獨圖書文籍一事鑿空駕僞顧不如秦之
猶爲務實而且貽禍於來世蒼生也昌國中海而處由縣
陞州而州志不作此固佚厥吏不知稽古之務而爲士者
亦有罪焉余來首訪國經徒起文獻不足之嘆越歲餘始
於里民構得其籍大率浮誇如前所云讎欲刊削且書混
一以來之沿革旣以授州之文學士屬余往吳中此事遂
廢今瓜戾已踰滯留卧疾豈其機乎乃趣學官拮据舊載

芟其蕪黜其不實定爲傳信之書使州之闕文著於所補
以俟掌建邦之六典者采焉故序作史之大略與異時文
勝其質之流弊俾二三子知所決擇而復有以告之孔子
曰吾猶及史之闕文也嗚呼史闕則紀綱將板蕩而無稽
矣是豈斯民之幸聖人猶幸闕文之及見也蓋逆知他日
諸侯惡其籍之害已而去之也今余於舊志得之既難本
復無二二三子不亟圖之余幸而受代則是籍之存於有
司者幾矣嗚呼猶欲及於闕文得乎大德戊戌七月朔日
潼川馮復京序

延祐四明志二十卷

文淵閣傳抄本

袁桷撰劇卷九至十一三卷

自序曰成周疆理之制審於王畿首合同姓以夾輔至於
四履則必假異姓焉以控揭之先後疏附曲盡其制何周
且詳也四方之志猶懼其不能以悉知也則必以外史掌
之社亡入秦而書具在區區刀筆吏獨能收其書據要漢
中夫豈偶然也哉世祖皇帝聖德神武混平寰宇首命秘
書監儒臣輯大元一統志沉幾遠略與昔聖人意旨脗合
然而郡志缺落其遺軼未備焉者不復以徹於上馬侯澤
潤之固嘗爲中秘官知之矣暨守四明乃曰明舊有經今
爲帥大府浙東七州推明爲首阨塞戶板物產地利是宜
究察以待問清風舊德與昔之高門巨闕屬於宅里者獨
可考也謂槪久爲史官宜有述桶嘗聞之洙泗遺俗稽之

以久遠者道德之澤也託鑄鍊之利以害於若民昔人之
所不道空虛說增農日益困甚者犯其山林屋室之儲奉
書詣庭若幸符契爭莫能已是殆昔之無知者根其禍也
管夷吾作書訓子弟良厚而內政以魚鹽爲急儒者詬之
雖明負山橫江歲阨於水旱河渠是先牧民之本推其沿
革覽其山川知昔時得人之官威室戶口之無恒釋道遺
文之盛衰是皆足以增其永嘆焉者矣乃爲十二考以志
其事遂不敢以荒落而有辭也馬侯爲政愷悌惻隱以宜
於民民以不病郡博士吳君某勤恪承令詢索州縣之所
宜聞者良備因是得以成書焉

不著人姓名

案至順時鎮江路總管府達魯花赤曰

明里答失至順二年六月七日代曰狗兒至順二年六月七日至總管曰脫因

至順元年十一月一日至元都馬沙至順四年正月十一日至脫因下備載祖父

名位爵謚及脫因歷官始末較他人特詳其時之參佐則

趙禹珪王傑孔世英學官則韓琪徐圓或者脫因任總管

時命僚屬所修歟始敘郡終考古凡一百門而亦冠之以

郡縣表徵引詳瞻叙述該洽土產貢賦兩門臚陳名狀尤

為賅備至於郡守叅佐遠溯六朝鄉賢寓公近蒐元代與

嘉定志互相補苴是亦足以相輔而行矣

金陵新志十五卷 元至正刊本 陳眉公藏書

前奉元路學古書院山長張鉉輯 卷首有廉公印記

郡志之見於世者多矣其間名是而實非語此遺彼者比比皆是求其紀載有法序事詳密使人如身履其地而目擊其事者則百不一二見焉豈以其陵谷之變遷事文之繁縟故紀述有難詳與不然何其可觀者鮮若是哉甲申春浮光士張君鉉以其所撰金陵新志首藁見示其修志本末略曰首爲圖攷以著山川郡邑形勢所存次述通紀以見歷代因革古今大要中爲表志譜傳所以極天人之際究典章文物之歸終以摭遺論辨所以綜言行得失之微備一書之旨至其終又曰文據其實事從其綱亦詳矣哉是年夏集慶路將以是編鈐諸梓上之臺僉曰善且以序見屬辭不獲俞應之曰是編首藁固嘗見之而有以知

其叙事之詳也使其中皆然豈不能使覽者如身履其地而目擊其事哉予聞張君博物洽聞而作事不苟於是編也客有始詳而終畧者乎是夏四月初吉率直大夫江南諸道行御史臺都事索元岱序

修志文移

修志本末

崑山郡志六卷

抄本 從陳君二十一年藏書抄本傳錄

元浦城楊諲纂 元成宗元貞二年升崑山縣爲州故云郡志是書分目十五簡核謹嚴誠有如楊鐵崖序所云言博而能要事核而不蕪者惟書止六卷與序二十二卷之數不符或經後人合併歟

崑山州楊才抱其先人履祥公所著州乘凡二十二卷因
其友袁華謁于錢塘曰先君嘗以州之志籍多散漫踈漏
更而新之積勞於是者蓋十餘年而獲成此編今州監李
羅帖木爾將壽諸梓吾子與才系同川浦城文公十葉後
幸惠一言引諸首余謂金匱之編一國之史也國經一郡
之史也土不出戶而知天下之山川疆理君臣政治要荒
蠻貊之外類山國史之信也不入提封而知其人民賦社
田租土貢風俗異同戶口多少之差由郡史之信也然則
操志筆者非有太史氏之才孰得與於斯乎吾曩入吳竊
見公所著宋朝舊志之錄凡若干卷今之修史者購之而
未得也又有帝王國辨素王道史姓氏通辨行於時吁公

之博學有史才可占矣宜其成是書也立凡辦例言博而
能要事核而不蕪與前邑志不可同日較工拙也且吾聞
崑山自縣陞州戶版與地利日增租賦甲天下郡縣市買
之船萃焉海艚之艘出焉廣田水道之利害在焉忠臣烈
女代不乏絕鴻生碩士爭爲長雄不有史才者出而任筆
削何以爲是州之信史哉吁是書之得記者今幸矣故余
不辭爲之敘抑予又聞公所著書龜爲採書使者賺而去
之而賞爵罔及焉以才之不平而公九泉之憾也故併敘
及之公諱諱字履祥東溪老人其自號云至正四年秋七
月泰定李黼旂賜第二甲進士會稽楊維禎序

崑山本縣也元成宗元貞二年升縣爲州故履祥此書有

郡志之名延祐中移州治於太倉故志中有新治舊治之別新治今太倉州城舊治則今縣也至正中仍徙州舊治則履祥已不及見矣鐵崖序稱二十二卷今按之止六卷首尾完具豈鐵崖所見乃別本邪此書世罕傳本嘉慶丁巳十月假妙士孝廉所藏舊鈔本讀之嘆其簡而有要因綴數言於末竹汀嬰錢大昕

黃琴六先生手跋曰崑山郡志元楊諱撰鐵崖先生叙云二十二卷今止風俗起至異事止十六門其六卷蓋不全本也竹汀詹事跋云首尾完具疑鐵崖所見爲別本其說非也地志首重建置沿革輿圖城池鄉都橋梁水利戶口賦役學校官署壇廟祠宇諸大目今皆缺而不載且楊叙

申明言崑山自縣升州戶版地利日增賦稅甲天下州縣
庸田水道利害所在而志中絕不及之其非完帙可知此
第全書之後六卷幸梓第名宦人物雜記諸卷尙存足備
宋元來是邦之掌故不以殘缺忽之可耳道光甲申春正
上元日琴溪拙叟記

重修琴川志十五卷

影印元刊本
同本影寫

從外舅言爾德先生藏元

廣輿撰 琴川志自宋慶元丙辰縣令孫應時創修後
迨嘉定庚午縣令葉凱始廣其傳至清祐辛丑縣令鮑廉
又加飾之然後始爲成書更百餘年舊梓殘毀無遺鎮屬
耆老顧德昭等徧求舊本參考異同重鈐諸梓則鎮特因
鮑氏原本重爲刊板耳非有所更定也案自序曰其成書

後凡所未載各附卷末是則凡分附卷末者皆鎮所增葺

以補鮑氏所未備者故仍題鎮名云

戴良序 至正乙巳

丘岳序 寶祐甲寅

褚中序

自序 至正癸卯

興立本跋 崇禎乙巳

蘇州府志五十卷圖一卷 抄本 從陳君子華藏明洪武刊本

傳錄

從陳君子華藏明洪武刊本

圖 郡人盧熊輯 始沿革終集文而冠之以圖十八圖後

各繫以說吾郡自吳郡志後宋章憲元趙鳳儀遞有撰述
皆未克竣事盧氏志繁撮要損益舊志勒爲成書二郡文

獻釐然大備攷吾郡掌故者以之繼吳郡志焉可也

吳在周末爲江南小國秦屬會稽郡及漢中世人物財賦
爲東南最盛歷唐越宋以至於今遂稱天下大郡然其因
革盛衰之際紀載於簡冊者自吳越春秋越絕書以下若
晉張勃輿夷隋虞世基唐陸廣微等所述及元和郡縣志
寰宇記各有所明迨宋之時羅處約有圖經朱長文有續
記范成大趙興憲皆撰類成書厥後有章憲者病其未完
作吳事類補宋亡書類散軼元趙鳳儀爲總管嘗集諸儒
論次置閣會攷官不果成入國朝吳縣教諭盧熊閱前志
之乖紛以爲苟不合而棄之恐不足示來者乃攬衆說摭
遺事芟繁取要族別類分爲志以述地理都邑文學祠祀

食貨兵衛之屬爲列傳以見古昔人物之美其目曰名宦
名臣儒林文藝良吏忠義孝友高行隱逸而列女之節方
技之良及其事有六可棄者附焉前爲畫圖以著疆域之
異同後有集文以備古今之制作總之爲五十卷於是數
百里之內二千載之間其事可按書而得矣洪武十一年
知府廬陵李侯亨嘉是書之有繫於政也將命工刻板以
傳丁內艱去已而高郵湯侯德來繼其職遂督成之熊用
薦者出由工部照磨爲中書舍人以余自同朝之好諸叙
其首古者列國皆有史官下至州閭莫不有之朕不過記
言書事而已及漢司馬遷班固創爲序紀傳志年表之法
由是四海之內無復遺事信史氏之善者也後世郡縣專

社稷山川之祭有政令教化之施儼如古諸侯之國固不
宜無所紀述而況於吳嘗爲封國非他郡之比者哉歷漢
至今雖間有所作而無完文以考其事物之全誠政之闕
者也雖獨能表狀以筆削爲己任效史漢之法損益舊典
爲一郡庶書豈非好古之士乎李湯二侯能知所重而圖
其傳亦可謂達於政體者矣後之人覽此書治身居官取
前人之成憲以爲法將見道德興而習俗美勾吳之區與
鄒魯無異矣則是書之爲教不亦大哉余喜熊能急於世
俗之所緩篤於好古也爲序其槩俾刻焉洪武十二年四
月既望前翰林承旨嘉議大夫知制誥兼修國史兼太子
贊善大夫金華宋濂叙

右都邑郡縣

愛日精廬藏書志卷十六終

愛日精廬藏書志卷十七

史部

地理類

水經注四十卷 舊抄校本

卷一 關道元注 是本係馮氏己倉手校黃筆塗改者據
柳大中影寫宋本也行間青筆側注者據朱鬱儀校本也
紅筆增改者據謝耳伯所見宋本也每卷未俱有馮氏題
識

馮氏題識曰校用柳僉本黃塗改者是奇事用青△朱改
亦用青佳言瑋句用黑○或△此本不誤而柳本誤者亦
用朱筆側注柳本所作之字直用紅筆增者謝耳伯所見

宋本也

又曰校閱此書俱用樹金宋版印抄本行間青筆昭朱堪
堪鬱儀所校

上虞縣五鄉水利本末一卷抄本 從陳君子年歲明嘉靖

田賦 上虞有三湖曰夏蓋曰上妃曰白馬五鄉民

田五鄉者永豐鄉上虞縣也 達新與鄉孝義鄉也責報其利自唐迄元興廢不

一恬哀集古今沿革興復事實暨公牒訟牘歌謠碑刻以

及疏濬閘築之規啟閉蓄泄之法臚載無遺俾後之有志

水利者得以據籍而求是亦可云留心經濟者矣

井田廢阡陌開而圃澮溝洫之制墮由諸侯之去其籍也

鄭國白渠芍陂之利興沒世不忘苟求其故不有傳載亦

何所引考證此則上虞縣五鄉水利之編所宜作也縣舊
有三溝曰夏蓋曰上妃曰白馬五鄉受川之家實蒙其利
疏治圍築之規啟閉蓄泄之法自東漢逮今既詳且密間
有繕葺覆奪更易者賴載籍明白持以證據於是乎得不
混糺之人陳恬又懼其久而或訛也哀集古今沿革興復
事實以及誌刻左驗公規訟臆鈇梓成帙將垂不朽俾後
來者其用心亦溥矣攜求叙引噫讀禹貢而知河洛考水
經而尋源委詎不信然夫水利之在天下善用之則其施
博有考證則靡濫廢司口受民寄庸不究其利病耶是湖
也在往歲嘗有橫民獻偁於橫政者適余視師上虞亟力
止之得弗奪茲故重其請而輒序焉不微不信有如此水

主正二十又二年秋九月望日奉直大夫温州路總管
內勸農防禦事天台劉仁本書

士君子有天下國家之責則當思所以利乎天下國家無
天下國家之責不能思所以利其鄉者其賢亦可尙已而
况國利不在於一時而有以及於後世之遠且博哉上虞
陳晏如以五鄉之水利具有本末不徒輟而爲書又必刻
而傳之以垂永久是其思以利其鄉於後世之意何如也
蓋夏蓋上苑白馬之爲湖於上虞舊矣幸而不爲田則其
經之利甚厚不幸而不爲湖則其鄉之害有不可勝言者
利害之分較然明者奈何細人之庸見往往沒於小利率
例施之可爲浩歎此晏如所爲夙夜惓惓欲使後世長享

厚利而毋蹈遺害爲子見其書而悲其意曰今而見士君子不任天下國家之責而能思於其邦貽後世之利如斯人者遂爲題其首簡俾後世覽者於是乎尙其賢至正二十二年龍集壬寅十二月朔從仕郎江浙等處儒學提舉楊應序

水利芻言一卷

刊本

題常熟李卿雲撰

論開濬白茆河事

鄧敷序

正德辛巳

七世從祖果齋先生序曰吳爲澤國率多水患吏於其土者政有興廢一惟其人昔蘇文忠公爲政於吳間單錫善於水學訪之得其所爲書上於朝君子謂公與人爲善智

也嘉謀不隱忠也式敷民德仁也頃年以來三江既塞諸
浦日廣太湖奔潰固川疏洩被患猶數且甚吾友李君瑞
卿嘗有疏濬之議矣而時無文忠漫莫之省大司空李公
以天子之委重講求起廢之功瑞卿有條陳二十策將上
之會河南馬公以按治之職蒞吾常熟覽而鑒之命有司
建瑞卿於南以見公瑞卿小學不下於鐸而二公能以蘇
公之心爲心邑大夫劉侯又樂爲之勸駕吾知是書必有
遇也瑞卿遇事敢言其所論列不暇文飾操觚立就盡其
所欲言而止識者謂其文直其事核有子長之遺風若其
當窮居而懷世慮則又有范文正之隱憂焉者是可嘉已
故爲之序以相其行正德歲在辛巳秋七月望後支川張

京安書

右河渠

東南防守利便三卷

舊抄本

三右施功郎江南東路安撫使司准備差遣臣陳克左宣
教郎添差通判建康軍府提舉圩田臣吳若同進

呂祉進東南防守利便繳狀

右邊防

洛陽卽藍記五卷

先君子手抄本

魏撫軍府司馬楊衡之撰

自序

雍錄十卷

明嘉靖州本

新安程大昌泰之撰

康海序 嘉靖辛卯

李經重刊序 嘉靖十一年

右古蹟

北戸錄三卷

文淵閣傳抄本 從陳君子季處舊抄本後

段公路撰崔龜圖注 關本姓錄 舊抄本目錄後有

臨安府太府前尹家書籍鋪刊行一條

陸希聲序

桂林風土記一卷 舊抄本

唐銀青光祿大夫檢校左散騎常侍使持節融州諸軍事

守融州刺史莫休符撰

自序 光化二年

岳陽風土記一卷 明嘉靖刊本 葉石君藏書

宋宣德郎監岳州在城酒稅務范致明撰 卷首有葉石

君印記

徐學謨序 嘉靖癸亥

陸珊跋 嘉靖甲辰

六朝事迹編類二卷 傳抄本 汲古閣藏書 臨馮氏寶伯校

臨新安張敦頤編 卷首有毛子晉斧季印記

建康禹貢揚州之域斗牛分野在周爲吳在春秋末爲越

魯哀公二十二年 自越之後一百四十年爲楚 周顯王三十六年楚

越王句踐滅吳 滅自楚之後一百楚十年爲秦 楚王負芻五年爲秦初楚

威王因山立號直金陵邑

或云以此有王氣因據金以鎮之或云地接金壇之陵故謂之

金陵今石

頭城是也及秦兼諸侯分天下爲三十六郡以金陵屬鄣

郡

今與郡也

時望氣者云五百年後金陵有天子氣始皇

東巡乃鑿鍾阜斷金陵長隴以通流改其邑爲秣陵縣

秦

縣廢縣在今丹陽直隸六十里秣陵橋

漢武帝元封初廢障郡置丹陽爲秣

陵縣初漢置揚州治無定所輿地志云先理歷陽後理壽

春其後又徙曲阿漢建安十六年孫權自京口徙治秣陵

明年城石頭改秣陵爲建鄴晉太康初廢建鄴復爲秣陵

愍帝諱業卽改爲建康元帝卽位以建康太守爲丹陽尹

宋齊而下咸都於此焉隋平陳廢丹陽郡乃於石城置蔣

州併秣陵建康同夏三縣入江甯縣唐武德二年爲揚州

東南道行臺置尙書省輔公祐據江東七年平又改爲蔣
州八年罷行臺稱揚州大都督府領上元金陵句容丹陽
溧水等縣九年移揚州治江都改金陵爲白下縣屬潤州
正觀七年復爲揚州乾元元年改爲昇州上元二年廢光
啟三年復仍以上元句容溧水溧陽四縣隸之置節度使
天祐四年楊行密據其地爲金陵府號曰齊國封李昇爲
齊王以建康爲西都以廣陵爲東都昇僭位國號唐正立
其二十三年皇朝開寶八年平之復爲昇州天禧二年改江甯
府建炎三年改建康府此金陵郡邑升降廢置之不常也
余因覽圖經實錄疑所載六朝事尙有脫誤乃取吳志晉
書及宋齊而下史傳與夫當時之碑記參訂而考之分門

編類綴爲篇目凡十有四卷雖畧陋無益於治道然展卷則三百餘年興衰之迹若身履乎其間非徒得之於傳聞而已同志之士蓋補其所未備者而傳之紹興歲次庚辰八月左奉議郎充江南東路安撫司幹辦公事新安張敦頤序

高陽許嵩作建康實錄文多汗漫參考者岐於省閩新安張養正哀舊史而爲六朝事迹編類部居粲然俾江左三百餘年之故實名布方冊非博雅好古未易成此書也余叨守建康養正適以議郎居幕府因取其書刊於此邦養正名敦頤婁寧侯泮以文章道義爲學者之所矜式此特餘事爾紹興庚辰立冬日東魯輯仲通書

是書摭拾遺事分別條理洵是作手然引據失實加以王謝作王樹之類不免爲識者所險且語氣頗似不文今人耳食相尚至以此爲奇書家錄一冊沾沾自喜不暇校讐至有脫落數行增入助語以夾注作正文儒書之弊也癸巳之夏借得宋刻亟爲勘對復見是編面目然後冊已是印抄本子不能復見完璧矣虞山馮武識

會稽三賦三卷

明初刊本

述古堂藏書

因東嘉王十朋撰刻籍周世則注郡人史鐸增注 卷首有錢遵王印記

會稽之山川風物載於圖經地志者固不少也然人一一泛觀則興易盡屑屑徧讀則神且疲儻非有所去取纂次

成文焉能資於坑釋紹興間詹事王公以射策魁多士入

官越幕資治之暇乃於圖志掇其奕奕之事迹

志謂輿地志之類今

默注所引雖會稽志一書非先生作讀之前所可者

加以舊傳新覩可紀之事從

鋪張著爲風俗賦以抑揚品藻寫於答問其事實其詞瞻

旨趣明暢字字淵源誠爲傑作公之究心可謂平章風物

之宗主其有光於吾邦者大矣及賦民事堂蓬萊閣文皆

醅正語亦高妙其有見於奉君命紀勝槩者備矣吁昔人

所言擲地作金聲者豈得專其美哉竊惟風俗一賦雖有

剡溪周君之注惟以表出山川事物爲意而公之文章以

經史百家之言盤屈於筆下者殊未究其根柢暨民事蓬

萊之作其注又缺然無聞遂使覽者惜其未備籌平日嗜

公之文至於成癖由是不揆無淺輒皆爲之注雖未必一

一盡得公之本意且以補周君遺闕至其間固有闕畧詳

備之不齊者然而意各有所謂

闕謂故闕不注者如西子

哭者之類是也畧謂出處非一而只取一二書爲注者如語者處于多士等千載一統數闕九重之類是也

率事涉於隱者則從詳備曰熟乎見者則從闕略蓋非徒

事夫繁文而貴夫有以證明也

李善注文選云諸引文證皆舉先以明後以示有所

祖述愚今注賦亦本此意然間有於事不切者恐其繁冗不敢悉取如黃冠不引禮記之文而引唐書是也

夫士大夫居是邦遊是境則是賦也不可以不知其或外

此者苟能一目則不必上會稽探禹穴不必投剡中登天

姥其若耶雲門又不必青鞋布襪也或從官於此則鏡湖

秦望之遊亦不必月三四焉况人材風俗與夫登覽之勝

班班雖不具在併盛傳於世豈曰小補哉凡讀之者當思
乎奇字之爲梗從而爲釋音區而於句讀之下

凡檢類篇
集韻無見

者原夏英公古詩二首聲韻爲音
附其其中有音義者皆也

庶幾不俟討論可以助眼

過電而口傾河也區區註釋之意於是乎併書時嘉定歲
在丁丑日長至愚齋史鑄序

莆陽比事七卷

抄本

從陳君子準藏舊抄本傳錄

宋龍坡李俊甫幼傑纂輯 是書仿急就簡蒙求體取莆

陽山川風俗古迹名勝人物科第道流釋子彙聚科分括

以四言韻語幼傑自爲之注蓋地志創格也所採如紹熙

莆陽志長樂志信安志游洋志清源志泉州錄南恩圖經

本期元輔表中興百官題名志閩川名士傳唐登科記五

代登科記離塵不夜編劉夙手記鑑明錄等書多他書所未見者雖稍有殘闕亦足爲蒲陽文獻之徵也

陳謙序曰吾蒲山川清淑風俗醇美民生其間率多秀異恥事末作一歸於儒自唐距今歷紀數百如節行揚芳文學垂範代不乏人進士擢第則有祖孫首榜魁亞聯名異科有賢良詞學之英一門有公卿岳牧之盛至於軼材絕藝隱士高禪間見軼出殆難悉數固炳靈之助亦漸靡使然也舊誌間多疏畧由夫主其事者期於速成操觚之士不暇博訪遂使覽者不無遺憾今國家貢士李君俊甫効傑慨然有志斯事上考史記旁摭紀錄下至諸家文集行實碑碣青尺悉從采掇詢於耆儒參諸故老積十餘年心

目之勤釐爲七卷幾數萬言彙聚科分聯比而書又爲綱
目於前偶僊成編尤便披閱可謂勤矣書成適國子博士
三山林公來牧吾郡李君以其書獻一見嘆賞命書史就
抄給以筆札不閱月而畢親翰抵僕譏以序譙竊自念齒
髦學荒理當推避旣而喟然謂士未遇時往往編綴古今
以爲選舉之圖講學縉文以爲俯仰之計奚暇採拾鄉閭
逸事以爲前輩不朽之傳後來慕用者之勸也哉是書之
成若不過博雅君子爲賞覽但藏巾笥耳今使君仁賢不
薄鄉郡樂其風土之美人物之盛爲之主盟將以傳信久
遠使後人更相勸勵斯爲忠孝冠冕言行楷式之歸風化
美意實在乎是何此書之幸吾郡之逢耶使君以興中師

儒宜爲序冠顧乃謙抑以筆授僕若又固辭恐幼僣用心之勤與使君樂善之懿終無以表見是題於卷首云

僕至郡之三月李君幼傑來訪出其書一編問之莆陽比事綱目也其言纔千有餘其事上下千百年間可法可勸可喜可愕無所不有於是嘉其工歎其勤也命工就錄全帙延訪儒生往復訂正凡踰年而書始成乃鋟木以傳後吁僕之力僅止是耳如此山川人物方興而未艾高蹈而遠跡者又將月異而歲不同也幼傑勉乎哉僕老矣自是休影衡茅之下萬事棄置行樂餘暇時懷此郡好風南來每間述一佳話往往得解頰而笑蓋於此興復不淺嘉定甲戌四月下泮王融林琢書於儒雅堂

武林舊事十卷

舊抄本

西湖水滸夫輯

自序

武林舊事乃弁陽老人草窗周密公謹所集也刊本止第六卷山中仇先生所藏本終十卷後歸西河莫氏家余就假於莫氏因手鈔成全書以識歲月藏於家殆至元後戊寅正月忻厚德用和父

此書二冊予假於太子太保遂安伯陳公家同年友文部副郎黃君廷川錄之以歸予云宏治乙卯夏四月望從靖手跋

適王抄本前六卷舊抄缺後四卷命工寫足繡季假得既

屬賢伯校此又浼余校一過頗有是正處朱筆出賢伯手
墨筆蓋余所校也此本係余甥友孫眠自舊藏眠自不祿
屈指已十有三年矣撫此不勝人琴之痛康熙丁巳小春
下浣觀菴陸貽典識於山涇老屋

武氏舊六卷 正後于本

四水潛夫輯

宋廷佐刊板跋 正德戊寅

留志淑跋 同上

右雜記

游志續編一卷 抄本

南村居士陶宗儀九成編 前有宋天台陳仁玉游志

編序并目是書繼仁玉游志編而作故云續編所載皆唐
宋金元人游覽之文頗有世不經見者如劉祁游西山記
北使記等篇他書俱未之載其存佚之功爲不小矣至李
榕非洛陽名閥記范成大駉騁錄吳船錄蓋以世有傳本
故存其目而未錄其文非有所殘闕也

清江癸卯置閨在秋景氣極高迴望屋角山光與天合碧
左右巖壑狀似相招相延如有不勝情者而余適病趾
弗能遊焉時獨鳩首引前誦遠遊招遊諸篇以自宣暢因
懷自古山川之美人物之勝登覽遊從之道雖其有得於
是有感於是者不能盡同而皆超然無有世俗垢氣物欲
之累意謂古今樂事無過此者乃取自咏沂而下二千載

間迄於近世張朱氏衡山之游高情遠韻聚見此編若身
參其間而目與之接胥應和而俱翱翔也吁世亦有好遊
若子者乎旬有五日編成是爲序天台陳仁玉

辛酉九月望偶過孔嘉兄雲光閣見有此本在几上云是
借陸元洲者遂爾袖歸燈下錄之以爲齋中卧遊之玩少
俟閒暇盡將藏籍所傳遊覽諸作錄之以續二公之不足
未知遂此志願否令徐問之裴完併記十一月朔錢穀

游志續編一冊錢罄室先生手鈔本子假於長塘鮑君以
文命胥錄之古人於小碎文字編之錄之不遺餘力若此
惜陳氏初編僅存其目異日當一一按目補之也乾隆丙
戌秋七月晦日吳翌鳳志

明錢罄室手鈔游志續編吳郡陸白齋先生所貽吳君枚
從借錄未還出游踰十稔不歸家所藏書散失殆盡此書
幸爲黃孝廉蕘圃所得予較元刻道園遺稿易之不可則
以枚從手鈔本歸予予喜過望如獲瓊寶舊本不復置念
矣枚從書法秀逸手書秘冊幾及千卷他所收儲亦皆善
本今之錢罄室也一旦化爲煙雲其歸也蓋有大難爲懷
者矣展卷嘆息久之嘉慶甲子十一月望通介吳鮑廷博
識於知不足齋

右游記

宣和奉使高麗國經四十卷

舊抄本

毛斧季昭宋月太手校

宋奉議郎充奉使高麗國信所提轄人船禮物賜緋魚袋

臣徐兢撰 後附張孝伯撰行狀末卷傳學繼林之人
引領嘆慕至以下明海鹽鄭休仲本脫一葉鮑氏本同此
本據宋槧校補二百五十三字可稱完善每卷俱有虞山
毛展手校印記

自序

宣和六年

徐釵刊板跋

乾道二年

毛氏手跋曰此本抄手最劣且多錯簡久置不觀甲申五
月從宋中丞借得宋槧本自六月十五日校起時方校訂
詩詞雜俎鳩工修板因多間斷至七月二十三日方畢他
日從此錄出可稱善本矣惜宋本亦缺三葉無從是正爾
二卷闕入 虞山毛展識
卷五六

島夷志畧一卷

文淵閣傳抄本

汪大淵撰

九州環大瀛海而中國曰赤縣神州其外之州者復九有裨海環之人民禽獸莫能相通如一區中者乃爲一州此騶氏之言也人多疑其荒唐詎誇况當時外徼未通於中國將何以徵驗其言哉漢唐而後於諸島夷力所可到利所可到班史傳固有其名矣然考於見聞多襲舊書未有身遊日識而能詳記其實者猶未盡徵之也西江汪君煥章當冠年嘗兩附舶東西洋所過輒采錄其山川風土物產之詭異居室飲食衣服之好尚與貿易賁用之所宜非其親見不書則信乎其可徵也夫言海中白多鉅魚若蛟

龍鯨鮓之屬羣出遊鼓濤鉅風莫可名數舟人燔雞毛以
解之則遠遊而沒一島嶼間或廣袤數千里島人浩穰其
君長所居多明珠麗玉犀角象牙香木爲飾橋梁或鑿以
金銀若珊瑚琅玕玳瑁人不以爲奇也所言山有可觀則
騶衍皆不誣焉知是誌之外煥章之所未應不有瑰怪廣
大又逾此爲國者歟大抵一元之氣充溢乎天地其所能
融結爲人爲物惟中國文明則得其正氣環海於外氣偏
於物而寒煥殊候材質異賦固其理也今乃以耳目弗逮
而盡疑之可乎莊周有言六合之外聖人存而不論然博
古君子求之甚苦亦所不廢也泉修郡乘旣以是誌列入
之煥章將歸復刊諸西江以廣其傳故予序之至正十年

龍集庚寅二月朔日翰林修撰河東張翥序

中國之外曰州羅海之外夷國以萬計唯北海以風惡不可入東西南數千萬里皆得梯航以達其道路象胥以譯其語言惟有聖人在乎位則相率而效朝貢通互市雖天際窮髮不毛之地無不可道之理焉世祖皇帝既平宋氏始命正奉大夫工部尚書海外諸蕃宣慰使蒲師文與其副孫勝夫尤永賢等通道外國撫宣諸夷獨瓜哇負固不服遂命平章高興史弼等帥舟師以討定之自時厥後唐人

人之商賈者外蕃率待以命使臣之禮故其國俗土產人物奇怪之事中土皆得而知奇珍異寶流布中外爲不少矣然欲考求其故實則熟事者多秘其說鑿空者又不得

其詳唯象章汪君煥章少負奇氣爲司馬子長之遊足跡
幾半天下矣又以海外之風土國史未盡其蘊因附船以
浮於海者數年然後歸其目所及皆爲書以記之較之五
年舊語大有逕庭矣以君傳者其言必可信故附錄清原
續志之後不惟使後之圖王會者有足徵亦以見國家之
懷柔百蠻蓋此道也至正己丑冬十月又二望日三山吳
鑒序

清源續志序曰古有九邱之書誌九州之土地所有風氣
之宜與三墳五典並傳周列國皆有史晉有乘輿楚有檮
杌魯有春秋是也孔子定書以黜三墳衍述職方以代九
邱筆削春秋以寓一王法而乘輿檮杌遂廢不傳及秦罷

笑置守張列國史漢馬遷作史記闕牧守年月不表郡國
記載浸無可考學者病之厥後江表華陽有誌汝穎之名
士襄陽之耆舊有傳隋大業首命學士十八人著十郡誌
凡以前史氏之闕遺也閩文學始唐至宋大盛故家文獻
彬彬可考時號海濱宗祠蓋不誣矣國朝混一區域至元
丙子郡既內附羅遭兵寇郡城之外莽爲戰區雖值承平
未能盡復舊觀清源前誌放失後誌上於清祐庚戌逮今
百有餘年前政牧守多文史武夫急簿書期會而不遑於
典章文均比年修宋遼金三史詔郡國各上所錄而泉獨
不能具無以稱德意有識愧焉至元九年朝以閩海憲使
高昌傑奏求守泉臨以之暇考求圖誌見是邦古今政治

沿革風土習尚變遷不同太平百年譜牒猶有遺逸及今
不紀後將無徵遂分命儒生搜訪舊聞隨邑編輯成書密
貯寓泉辱命與學士君子裁定刪削爲清源續誌二十卷
以補清源故事然故老漸愚新學淺於聞見前朝遺事蓋
十其一二以傳焉至正十一年暮春修禊日三山吳鑒序
右外紀

愛日精廬藏書志卷十七終